

Soba Shirkii-Kutaa 4

Description

Wantoonni Rabbii oltaâ€™aa gaditti gabbaraman (waaqefataman) waa hundaa irratti tooâ€™annaa fi dandeetti qabuu?

Gabbaramaan gabbaramaa dhugaa taâ€™uuf wanta hundaa kan harkaa qabu, tooâ€™atu fi dandeetti irratti qabu taâ€™uu qaba. Namni wanta tokko kan gabbaruu (waaqefatuuf) isarraa faayda argachuu ykn miidhaa ofirraa ittisu barbaadeti. Akkasi miti ree? Kan gabbaramu kuni faayda barbaadan namaaf kennu fi miidhaa namarrraa deebisuuf faayda kana kan harkaa qabuu fi miidhaa kana deebisuuf dandeetti qabaachu qaba. Taâ€™uu baannan, wanta harkaa hin qabnee fi dandeetti irratti hin qabne akkamitti namaaf gochuu dandaâ€™aa?

Akkuma beekkamu wantoota hundaa Kan harka qabuu, tooâ€™atu fi dandeetti irratti qabu Rabbii oltaâ€™aa qofaadha. Dhugaa kanaakkana jechuun ibsa:

﴿يُولِجُ الَّيْلَ فِي النَّهَارِ وَيُولِجُ النَّهَارَ فِي الَّيْلِ وَسَخَرَ الْشَّمْسَ وَالْقَمَرَ
كُلُّ يَجْرِي لِأَجْلٍ مُّسَمًّى ذَلِكُمُ اللَّهُ رَبُّكُمْ لَهُ الْمُلْكُ وَالَّذِينَ تَدْعُونَ
مِنْ دُونِهِ مَا يَمْلِكُونَ مِنْ قِطْمِيرٍ ۚ إِنْ تَدْعُوهُمْ لَا يَسْمَعُوْا
دُعَاءَكُمْ وَلَوْ سَمِعُوا مَا أَسْتَجَابُوا لَكُمْ وَيَوْمَ الْقِيَمَةِ يَكُفُّرُونَ
بِشِرْكِكُمْ وَلَا يُنِيشُكَ مِثْلُ خَيْرٍ ۚ﴾ ۱۶

â€œInni halkan guyyaa keessa seensisa; guyyaas halkan keessa seensisa. Aduu fi jiâ€™as ni laaffise, hunduu hanga beellamaa murtaaâ€™atti ni fiigu. Suni Gooftaa keessan Allaah dha; mootummaan kan Isaati. **Kanneen isin Rabbii gaditti kadhattan wanta hanga qoola haphii ija temiraayyu hin qaban.** Yoo isaan kadhattaniis kadhaa keessan hin dhagahan. Osso dhagahaniilee isiniif hin awwaatan. Guyyaa Qiyaamaas shirkii (Rabbitti qindeessu) keessan ni mormu. [Yaa Muhammad] akka Rabbii keessa beekaatti homtuu sitti hin beeksisuu.â€ Suuratu Faaxir 35:13-14

â€œInni halkan guyyaa keessa seensisa; guyyaas halkan keessa seensisa.â€

Rabbiin subhaanahu wa taâ€™aalaa saâ€™aati halkanii irraa guyyaa keessa seensisa, kanaafu hamma halkan irraa hirâ€™ateen guyyaan ni dabala ykn ni dheerata. Ammas, saâ€™aati guyyaa irraa halkan

keessa seensisa, kanaafu hamma guyyaa irraa hirâ€™ateen halkan ni dabala ykn ni dheerata[\[1\]](#)

Fakkeenyaf, Biyyoota Eeshiyaa fi Awrooppa garii keessatti yeroo bonaa guyyaan ni dheerata halkan ni gabaabbata, yeroo gannaa immoo halkan ni dheerata guyyaan ni gabaabbata. Fkn, Jiâ€™a waxmajji (June) aduun kan baatu gara saâ€™aati 11:00 yoo taâ€™u kan dhiitu immoo galgala gara saâ€™aati 2:00 ti. Kanaafu, guyyaan dheeradhaa jechuudha. Jiâ€™aa sadaasaa keessa immoo aduun ganama gara saâ€™aati 2:00tti baati, galgala immoo gara saâ€™aati 11:40tti dhiiti. Kanaafu waqtii kana keessa guyyaan gabaabadha. Rabbiin subhaanahu wa taâ€™aalaa dandeetti Isaa guutuu taâ€™een halkan guyyaa keessa, guyyas halkan keessa seensisa.

â€œAduu fi jiâ€™as ni laaffiseâ€¢Kana jechuun isin irratti tola ooluuf, rahmata isiniif gochuuf, lakkofsa waggoottaa fi guyyoota akka beektaniif, halkan guyyaa irraa akka adda baastaniif aduu fi jiâ€™a akka deeman isiniif taasise[\[2\]](#) Akkuma beekkamu aduu fi jiiyni faaydaa guddaa lubbu-qabeenyif qabu. Aduun madda annisaa fi humnaati. Osoo aduun jiraachu baatte silaa lubbu-qabeenyin hin jiraatan. Sababni isaas, biqiloonni guddachuu fi firii buusuf ifa aduutti hajamu. Namoonni galii ittiin jiraatan argachuuf ifa aduutti hajamu.

â€œhunduu hanga beellamaa murtaaâ€™atti ni fiigu.â€¢Kana jechuun aduu fi jiiyni, hundi isaaniitu hanga Rabbiin fedhetti sarara isaanii irra ni fiigu. Yommuu ajalli dhufee fi dhumti addunyaa dhiyaate, adeemsi aduu fi jiâ€™aa ni dhaabbata, aangoon isaanii ni dhabama. Jiyni ifa dhaba, aduun ni maramti, urjiileen ni bittinnaaâ€™u.

Ajala jechuu hamma yeroo wanta tokkoof murtaaâ€™ee fi jalqabaa fi xumura jiddutti daangefameedha. Akkasumas, ajala jechuun yeroo dhumaa wanta tokkooti.[\[3\]](#) Fakkeenyaaaf, namni ajala qaba. Kana jechuun yeroo itti duâ€™u qaba. Aduu fi jiiynis yeroon isaanii kan murtaaâ€™edha. Jalqabaa fi xumura qabu. Erga uumaman irraa kaasee hanga xumura isaaniitti hojii isaanii ni hojjatu. Guyyaa guyyaan ni deddeebiâ€™u. Garuu Qiyaamaan yommuu dhootu yeroon isaaniif murtaaâ€™e ni dhumata. Kanaafu, adeemsi isaanii ni cita. Aduun ni maramti, jiiyni ifa dhaba.

â€œSuni Gooftaa keessan Allaah dha.â€¢Kana jechuun yaa namoota hojiiwan kanniin Kan hojjatu Gabbaramaa keessan kan ibaadaan Isaaf malee homaafu hin taanedha. Innis Allaah Gooftaa keessani.[\[4\]](#)

Gooftaa jechuun Uumaa (Khaaliqa), Qabaataa, Tooâ€™ataa, Kan qananiisu fi kunuunsudha. Kanaafu, Kan isin uume, tooâ€™atu, halkanii fi guyyaa isiniif fiduun, aduu fi jiâ€™a isiniif laaffisuun, rooba samii irraa buusun, biqiltoota isiniif biqilchuun isin qananiisu fi kunuunsu Allaah qofa.

â€œmootummaan kan Isaati.â€¢

Mootummaan (mulk) hiika lama qaba:

1ffaa-wanta tokko qabaachu fi mirga wanta fedhan hojjachuu dhuunfachuu

2ffaa-Aangoo ajajuu fi dhoowwu qabaachu.[\[5\]](#)

Rabbitiin subhaanahu wa taâ€™aalaa samii torban, dachii fi wantoota isaan keessa jiran hunda Kan uume Isa waan taâ€™eef, wantoonni kunniin hundi Kan isaati, wanta fedhe keessatti hojjachuu dandaâ€™a, aangoo fi dandeetti guutuu irratti qaba.

Asi olitti tuqaa jalqaba irratti eerre mirkaneessine jirra. Tuqaan kunis: **Kan gabbaramu (waaqefatamu) Gabbaramaa dhugaa taâ€™uuf wanta hundaa kan harkaa qabu, tooâ€™atu fi dandeetti irratti qabu taâ€™uu qaba** Rabbiin subhaanahu wa taâ€™aalaa samii, dachii fi wantoota isaan keessa jiran hunda Kan uume Isa waan taâ€™eef, wantoota kanniin hunda harkaa qaba. Aangoo, tooâ€™annaan fi dandeetti guutuu irratti qaba. Kana jecha, â€œemootummaan kan Isaati.â€• Jedhu irraa ni hubanna.

Mee amma haa ilaallu wantoota Rabbiin alatti gabbaraman (waaqefataman): â€œKanneen isin Rabbii gaditti kadhatten wanta hanga qoola haphii ija temiraayyu hin qaban.â€• Suuratu Faaxir 35:13 Qixmiir- qoola haphii ija (firii) temiraa irratti argamuudha. Fakkii armaan gadi irraa ilaalun ni dandaâ€™ama.



Kana booda hiikni hima armaan olii: kawnii (yunivarsii) guutuu keessatti mootummaan hundi kan Rabbii qofa. Kanaafu, Rabbii gaditti wantoonni mushrikoonni waaqeffatan kawnii Rabbii irraa homaa hin qaban. Waa uumuus, waa keessatti hojjachuus hin dandaâ€™an. Kanaafu, yaa mushrikoota! Wantoonni isin waaqeffatan nama fayyaduuf kawnii irraa wanta hanga qoola haphii firii temiraa kan hin qabne erga taâ€™anii, wanta qoola firii temiraa caale irratti hoo tooâ€™annaan qabaachu dandaâ€™uu? Kan akka umuu, rizqii (soorata) namaaf kennu, nama gargaaru. (Mushrikoota jechuun namoota Rabbiin waliin waan biraan gabbaraniidha (waaqeffataniidha)).

Kanaafu, yaa mushrikoota! Rabbii gadiitti wantoonni isin gabbaramaa godhachuu gabbartanii fi kadhatten irraa faaydan isin argattan maaliidhaa? â€œYoo isaan kadhatteniis kadhaa keessan hin dhagahan. Osso dhagahaniillee isiniif hin awwaatan.â€• Kana jechuun Yaa mushrikoota! Gooftaa keessanii gaditti wantoota gabbartan irraa faaydaa ykn gargaarsa ykn miidhaa ittisu ykn kaasuu barbaadun yoo isaan waammattan, waamicha keessan hin dhagahan. Sababni isaas, isaan wantoota lubbu-dhabeenyi hin dhageenyedha yookiin namoota duâ€™an kan sagaleen keessan ruuhi isaanii hin geenyedha. Isaan sagalee keessan kan hin dhageenyte taâ€™anii osso jiranuu sammuun keessan akkamitti akka isaan kadhatten hayyamee?

Wantoota isaan gabbaran keessaa tokko kadhaa isaanii osso dhagayee, kan akka jinni yookiin malaaykaa osso taâ€™e, isaan kadhaa nama isaan kadhatetiif deebii hin deebisan. Sababni isaas, isaan keessaa tokko deebii deebisuuuf osso barbaade, kana gochuu hin dandaâ€™uu ture. Aangoo Rabbii jala waan jiruuf kuni isaaf hin dandaâ€™amu. Malaaykonni osso kadhaa nama isaan kadhati dhagahaniyyuu

namoota isaan gabbaraniif deebii hin deebisan. Sababni isaas, isaan uumamaan Rabbiin hin faallessan, wanta itti ajajaman hojjatu.

Jinnooni fi sheyxaanonnis aangoo Rabbiitiin kadhaa nama isaan gabbarutiif deebii deebisuu irraa ni dhoowwamu. Namoota qoruuf dhimmoota sihrii garii keessatti hayyama Rabbiit in yoo taâ€™ee malee. [6]

â€œGuyyaa Qiyaamaas shirkii (Rabbitti qindeessu) keessan ni mormuâ€ Kana jechuun Guyyaa Qiyaamaa isin isaan gabbaruu keessan ni mormu, isin irraa qulqullaaâ€™u. â€œIsin nu gabbaraa hin turre. Nuti akka nu gabbartan isin hin ajajne.â€ jechuun isin mormu.

â€œ[Yaa Muhammad] akka Rabbii keessa beekaatti homtuu sitti hin beeksisu.â€ Kana jechuun xumuraa fi buâ€™aa dhimmootaa, eessa akka gahan, akka Keessa Beekaatti homtu sitti hin himu [7]. Keessa beekaan suni Rabbii homtu Isarraa hin dhokanneedha. Inni qulqullaaâ€™e.

﴿وَيَعْبُدُونَ مِنْ دُونِ اللَّهِ مَا لَا يَضْرُهُمْ وَلَا يَنْفَعُهُمْ وَيَقُولُونَ
هُوَلَاءِ شُفَعَوْنَا عِنْدَ اللَّهِ قُلْ أَتُنَبِّئُنَّ اللَّهَ بِمَا لَا يَعْلَمُ فِي
السَّمَاوَاتِ وَلَا فِي الْأَرْضِ سُبْحَانَهُ وَتَعَالَى عَمَّا يُشْرِكُونَ﴾
١٨

â€œRabbii gaditti wanta isaan hin miinee fi hin fayyanne gabbaru. Ni jedhus, â€œIsaan kunniin Rabbiin biratti jaarsummaa (shafaâ€™aa) nuuf taâ€™u.â€œJedhi, â€œSila isin wanta Inni samiiwanii fi dachii keessatti hin beekne Rabbiitti himtuu?â€ Wanta isaan Isa waliin gabbaran irraa Inni qulqullaaâ€™e oltaâ€™e.â€ Suuratu Yuunus 10:18

Namoonni Rabbiin alatti wanta biraan gabbaran (waaqefatan) wanta isaan hin miinee fi addunyaa fi Aakhiratti isaan hin fayyanne waaqefatu. Kan nuti isaan gabbaruuif Rabbiin biratti jaarsummaa akka nuuf taâ€™aniifi jedhu. **Jedhi, â€œSila isin wanta Inni samiiwanii fi dachii keessatti hin beekne Rabbiitti himtuu?**â€ Kana jechuun wanta samii torbanii fi dachii keessatti taâ€™uu hin dandeenyeye Rabbiitti ni beeksiiftuu? Kunis, wantoonni isaan gabbaranii fi kadhathan, samiiwan keessattis taâ€™ee dachii keessatti Rabbiin biratti jaarsummaa isaaniif hin taâ€™an. Mushrikoonni, â€œwantoonni nuti gabbaruu fi kadhannu kunniin Rabbiin biratti shafaâ€™aa (jaarsummaa) nuuf taâ€™uâ€ jechuun odeessu. Rabbiin nabiyyii Isaatiin (SAW)akkana jedhi jedhaan:â€œwanti samii fi dachii keessatti jaarsummaa hin taane nuuf jaarsummaa ni taâ€™uuâ€ jettanii Rabbitti ni beeksiiftuu? Kuni soba dhugaa irraa fagaateedha. Wantoonni isin gabbartan eenyufillee jaarsummaa hin taâ€™an, nama hin fayyadan, hin miidhanis. [8]

Guduunfaa

âœNamni wanta tokko kan gabbaruuif (waaqefatuuf) faayda irraa argachuuf ykn miidha akka isarraa deebisu kajeeleti. Fakkeenyaf, namni yommuu duâ€™aayi godhuu maal barbaadaa? Namni sagadu maal

barbaadaa?

âœ•Kan waaqeffatan wanta barbaadan irraa argachuuf wanta san kan harkaa qabuu fi dandeetti guutuu irratti qabaachu qaba.

âœ•Wanta isarraa kadhatan yoo hin qabaatin ykn wanta barbaadan namaaf gochuuf dandeetti yoo hin qabaatin, akkamitti wanta irraa kadhatan isarraa argatanii?

âœ•Wantoonni Rabbii oltaâ€™aa gaditti gabbaraman waa hunda harkaa hin qaban, dandeetti fi tooâ€™annaan guutus hin qaban. Kanaafu, Rabbiin alatti wantoota kanniin gabbaruun (waaqeffachuun) soba.

âœ•Mee itti yaadi, wanta irraa kadhatan yoo hin qabaatin ykn miidha namarrea deebisu yoo hin dandaâ€™in, wantoota kanniin kadhachuu fi waaqeffachuun buâ€™aan isaa maalidhaa?

Ammas, wanta barbaadan irraa argachuuf kadhaa nama yoo hin dhagahinii fi haala namaa yoo hin beekin, wanta rakkoo fi haala namaa hin dhageenye fi hin beekne kadhachuu faaydaa maali qabaa?

Kitaabban wabii

[\[1\]](#) Tafsiiru Muyassar-112 [\[2\]](#) Tafsiiru Xabarii-19/348

[\[3\]](#) Maâ€™aariju Tafakkuri-7/104 [\[4\]](#) Tafsiiru Xabarii-19/348

[\[5\]](#) Maâ€™aariju Tafakkuri-7/105

[\[6\]](#) Madda olii

[\[7\]](#) Tafsiiru Ibn Kasiir-6/305 [\[8\]](#) Tafsiiru Xabarii-12/142-143

Date Created

June 22, 2020

Author

admin